

საქართველოს პრეზიდენტის
ბრძანებულება

N 625

2008 წლის 26 დეკემბერი

ქ.თბილისი

ოჯახში ძალადობის აღკვეთის ღონისძიებათა
განმახორციელებელი საუწყებათაშორისო საბჭოს
შემადგენლობისა და დებულების დამტკიცების შესახებ

1. შეიქმნას ოჯახში ძალადობის აღკვეთის ღონისძიებათა განმახორციელებელი საუწყებათაშორისო საბჭო შემდეგი შემადგენლობით:

ლალი ფაფიაშვილი	- საქართველოს საკონსტიტუციო სასამართლოს მოსამართლე, საუწყებათაშორისო საბჭოს თავმჯდომარე
ირაკლი გიორგობიანი	- საქართველოს შრომის, ჯანმრთელობისა და სოციალური დაცვის მინისტრის პირველი მოადგილე
ეკატერინე ზღულაძე	- საქართველოს შინაგან საქმეთა მინისტრის პირველი მოადგილე
ნინო კალანდაძე თამარ კინწურაშვილი	- საქართველოს საგარეო საქმეთა მინისტრის მოადგილე - საქართველოს პრეზიდენტის მრჩეველი
დიმიტრი ძაგნიძე (6.07.2009 N 382)	- საქართველოს იუსტიციის მინისტრის მოადგილე
ირინე ქურდაძე (27.10.2009 N 755)	- საქართველოს განათლებისა და მეცნიერების მინისტრის პირველი მოადგილე
ქეთევან ხუციშვილი	- დამოუკიდებელი ექსპერტი.

2. ეთხოვოთ საუწყებათაშორისო საბჭოს მუშაობაში მონაწილეობა: (12.10.2009 N

705)

ლელა ბაქრაძეს დოროთი ბელს კობა ბოჭორიშვილს	- (UNFPA) გაეროს მოსახლეობის ფონდის წარმომადგენელს - აშშ-ის საელჩოს პოლიტიკურ-ეკონომიკურ ასისტენტს კონსტიტუციურ უფლებათა დაცვის ცენტრის თავმჯდომარეს
ია დადუნაშვილს გიორგი ვაშაკიძეს	- შრომის საერთაშორისო ორგანიზაციის წარმომადგენელს - აშშ-ის საერთაშორისო განვითარების სააგენტოს კანონის უზენაესობის პროექტის სპეციალისტს
მარინა თაბუკაშვილს	- ფონდ „ტასოს“ თავმჯდომარეს
რუსუდან კერვალიშვილს	- საქართველოს პარლამენტიტს თავმჯდომარის მოადგილე
დონალდ კეროლს ჯოი დევის კიჩნერს	- აშშ-ის საელჩოს პოლიტიკურ ოფიცერს - აშშ-ის საელჩოს პოლიტიკურ ოფიცერს
ირინა ლორთქიფანიძეს ნათია იმნაძეს	- ამერიკის იურისტთა ასოციაციის წარმომადგენელს საქართველოს სახალხო დამცველის აპარატის გამოძიებისა და

<p>თამარ საბედაშვილს ნათია ფარცხალაძეს მელინდა ფონტინს</p>	<ul style="list-style-type: none"> - მონიტორინგის დეპარტამენტის უფროსს - (UNIFEM) გაეროს ქალთა ფონდის წარმომადგენელს
<p>რუსუდან ფხაკაძეს</p>	<ul style="list-style-type: none"> - გაეროს ბავშვთა ფონდის წარმომადგენელს - აშშ საელჩოს პოლიტიკურ ოფიცერს
<p>ნინო ქოჩიშვილს ნატო შავლაყაძეს ნათია ჩერქეზიშვილს ხათუნა ჭითანავას</p>	<ul style="list-style-type: none"> - არასამთავრობო ორგანიზაცია „სახლის“ თავმჯდომარეს - საქართველოში ევროკომისიის დელეგაციის წარმომადგენელს - ძალადობისაგან დაცვის ეროვნული ქსელის თავმჯდომარეს - (UNDP) გაეროს განვითარების პროგრამის წარმომადგენელს - საქართველოს ახალგაზრდა იურისტთა ასოციაციის წარმომადგენელს
<p>მარკ ჰულსტს</p>	<ul style="list-style-type: none"> - საქართველოში მიგრაციის საერთაშორისო ორგანიზაციის ტრეფიკინგის საწინააღმდეგო პროგრამის ოფიცერს.

3. დამტკიცდეს საუწყებათაშორისო საბჭოს თანდართული დებულება.
4. ეს ბრძანებულება ამოქმედდეს გამოქვეყნებისთანავე.

მიხეილ სააკაშვილი

დამტკიცებულია
საქართველოს პრეზიდენტის
2008 წლის 26 დეკემბრის
N 625 ბრძანებულებით

**ოჯახში ძალადობის აღკვეთის ღონისძიებათა განმახორციელებელი
საუწყებათაშორისო საბჭოს დებულება**

მუხლი 1. ზოგადი დებულებანი

1. ოჯახში ძალადობის აღკვეთის ღონისძიებათა განმახორციელებელი საუწყებათაშორისო საბჭო (შემდგომში – საუწყებათაშორისო საბჭო) შექმნილია საქართველოს პრეზიდენტის ბრძანებულებით.
2. საუწყებათაშორისო საბჭო თავის საქმიანობაში ხელმძღვანელობს საქართველოს კონსტიტუციით, საქართველოს საერთაშორისო ხელშეკრულებებით, საქართველოს საკანონმდებლო და კანონქვემდებარე ნორმატიული აქტებით და ამ დებულებით.
3. საუწყებათაშორისო საბჭოს სტრუქტურა, უფლებამოსილება და საქმიანობის წესი განისაზღვრება ამ დებულებით.

მუხლი 2. საუწყებათაშორისო საბჭოს სტრუქტურა

1. საუწყებათაშორისო საბჭოს შემადგენლობას განსაზღვრავს საქართველოს მთავრობა და ბრძანებულებით ამტკიცებს საქართველოს პრეზიდენტი.

2. საუწყებათაშორისო საბჭოს შემადგენლობაში სახელმწიფო უწყებების წარმომადგენლებთან ერთად შედიან შესაბამის სფეროში საქმიანობის განმახორციელებელი არასამეწარმეო (არაკომერციული) იურიდიული პირების, საერთაშორისო ორგანიზაციებისა და მასობრივი ინფორმაციის საშუალებების წარმომადგენლები, ამავე სფეროს სპეციალისტები და მეცნიერები.

3. საუწყებათაშორისო საბჭოს საქმიანობაში საუწყებათაშორისო საბჭოს თავმჯდომარის მოწვევით შეიძლება მონაწილეობდნენ საქართველოს პარლამენტისა და მთავრობის წევრები, სახელმწიფო უწყებათა ხელმძღვანელები, არასამთავრობო სექტორისა და საერთაშორისო ორგანიზაციების წარმომადგენლები.

4. საუწყებათაშორისო საბჭოს შემადგენლობიდან წევრის გამოწვევა ხდება საქართველოს პრეზიდენტის მიერ საკუთარი ინიციატივით ან საუწყებათაშორისო საბჭოს წევრის წარმდგენი ორგანოს წინადადებით.

მუხლი 3. საუწყებათაშორისო საბჭოს ამოცანები

საუწყებათაშორისო საბჭოს ძირითადი ამოცანებია:

ა) ოჯახში ძალადობის აღკვეთის, მისი თავიდან აცილების, მის წინააღმდეგ ბრძოლისა და ოჯახში ძალადობის მსხვერპლთა, დაზარალებულთა დაცვის, დახმარებისა და რეაბილიტაციის სფეროში შესაბამისი სახელმწიფო ორგანოებისათვის განსაზღვრული ფუნქციების ეფექტიანად განხორციელებაში ხელის შეწყობა და მათი საქმიანობის კოორდინაცია;

ბ) ოჯახში ძალადობის აღკვეთისა და მის წინააღმდეგ ეფექტიანი ბრძოლის, ოჯახში ძალადობის ხელშემწყობი მიზეზების აღმოფხვრის თაობაზე წინადადებების შემუშავება და საქართველოს პრეზიდენტისათვის განსახილველად წარდგენა;

გ) ოჯახში ძალადობის აღკვეთის, მსხვერპლთა დაცვასა და დახმარებასთან დაკავშირებული საკითხების განხილვის პროცესში მჭიდრო თანამშრომლობა საქართველოს სახელმწიფო უწყებებთან, არასამთავრობო სექტორთან, ამ პრობლემებზე მომუშავე საერთაშორისო და ადგილობრივ ორგანიზაციებთან, აგრეთვე ერთობლივი წინადადებების შემუშავება საქართველოს პრეზიდენტისათვის წარსადგენად;

დ) ოჯახში ძალადობის წინააღმდეგ ბრძოლის სფეროში არსებული მდგომარეობის მონიტორინგი.

მუხლი 4. საუწყებათაშორისო საბჭოს მუშაობის ორგანიზაცია

1. საუწყებათაშორისო საბჭოს საქმიანობას ხელმძღვანელობს და საუწყებათაშორისო საბჭოს სხდომებს წარმართავს საუწყებათაშორისო საბჭოს თავმჯდომარე, რომელსაც საუწყებათაშორისო საბჭოს შემადგენლობიდან ნიშნავს საქართველოს პრეზიდენტი.

2. საუწყებათაშორისო საბჭოს თავმჯდომარის არყოფნის შემთხვევაში, მის უფლებამოსილებას საუწყებათაშორისო საბჭოს თავმჯდომარის დავალებით ახორციელებს საუწყებათაშორისო საბჭოს ერთ-ერთი წევრი.

3. საუწყებათაშორისო საბჭოს სხდომები ტარდება საჭიროებისამებრ, მაგრამ არანაკლებ წელიწადში ორჯერ. (5.10.2009 N664)

4. საუწყებათაშორისო საბჭოს თავმჯდომარემ შეიძლება საუწყებათაშორისო საბჭოს სხდომები საჭიროებისამებრ მოიწვიოს დადგენილ ვადაზე ადრე.

5. საუწყებათაშორისო საბჭოს სხდომის მომზადებას უზრუნველყოფს საუწყებათაშორისო საბჭოს სხდომის მდივანი.

6. საუწყებათაშორისო საბჭოს სხდომაზე საკითხის გატანის უფლება აქვთ საუწყებათაშორისო საბჭოს თავმჯდომარეს და საუწყებათაშორისო საბჭოს წევრებს.

7. საუწყებათაშორისო საბჭოს სხდომა უფლებამოსილია, თუ მას ესწრება საუწყებათაშორისო საბჭოს წევრთა საერთო რაოდენობის ნახევარზე მეტი.

8. საუწყებათაშორისო საბჭოს გადაწყვეტილება მიიღება დამსწრე წევრთა ხმების უბრალო უმრავლესობით. ხმების თანაბრად გაყოფის შემთხვევაში, გადამწყვეტია საუწყებათაშორისო საბჭოს თავმჯდომარის ხმა.

9. საუწყებათაშორისო საბჭოს სხდომა ფორმდება ოქმით, რომელსაც ხელს აწერენ საუწყებათაშორისო საბჭოს თავმჯდომარე და მდივანი.

მუხლი 41. მსხვერპლის იდენტიფიცირების ჯგუფი (5.10.2009 N664)

1. საუწყებათაშორისო საბჭო თავისი ამოცანების შესრულების უზრუნველყოფის მიზნით ქმნის საუწყებათაშორისო საბჭოსთან არსებულ ოჯახში ძალადობის მსხვერპლის სტატუსის განმსაზღვრელ ჯგუფს (შემდეგში – „მსხვერპლის იდენტიფიცირების ჯგუფი“), რომელიც შედგება კოორდინატორისა და ექსპერტებისაგან.

2. მსხვერპლის იდენტიფიცირების ჯგუფის შემადგენლობას, უფლებამოსილებასა და საქმიანობის წესს განსაზღვრავს საუწყებათაშორისო საბჭო.

მუხლი 5. დასკვნითი დებულება

საუწყებათაშორისო საბჭოს დებულებაში ცვლილებებისა და დამატებების შეტანა ხდება საქართველოს პრეზიდენტის ბრძანებულებით.